

昌黎先生集

冊十二

昌黎先生遺文目錄

聯句

有所思

遣興

贈劍客李園

遺詩

同竇韋尋劉尊師不遇

春雪

贈族姪

嘲鼾睡

六首

晝月

贈張徐州莫辭酒

辭唱歌

知音者誠希

酬藍田崔丞立之詠雪見寄

潭州泊船呈諸公

飲城南道邊古墓上逢中丞過贈禮部衛員

外少室張道士

池上絮

書

答侯生問論語

墓誌

相州刺史御史中丞田公故夫人魏氏墓誌

銘

啓

皇帝卽位賀宰相

狀

奏沐州得嘉禾嘉瓜

皇帝卽位賀諸道

皇帝卽位降赦賀觀察使

潮州謝孔大夫

疏

憲宗崩慰諸道

題名

長安慈恩塔

洛北惠林寺

謁少室李渤

福先塔寺

嵩山先封宮

迂杜兼

華嶽

昌黎先生遺文目錄

昌黎先生集遺文

聯句

有所思聯句

此下三聯句見孟東野集

相思繞我心日夕千萬重年光坐晚晚春淚銷顏容

郊臺鏡晦舊暉庭草滋新茸望天山上石別劍水中

龍愈

遣興聯句

上說見

我心隨月光寫君庭中央郊月光有時晦我心安所

忘愈常恐金石契斷為相思腸郊平生無百歲岐路

有四方愈四方各異俗適異非所將郊鴛蹄顧挫秣

逸翮遺稻梁愈時危抱獨沉道泰懷同翔郊獨居久

寂默相顧聊慨慷愈慨慷丈夫志可以耀鋒鏗郊蘧

甯知卷舒孔顏識行藏愈朗鑒諒不遠佩蘭永芬芳

郊
苟無夫子聽誰使知音揚愈

贈劔客李園聯句上同

天地有靈術得之者唯君郊築爐地區外積火燒氛

氤愈照海鑠幽怪滿空歎異氛郊山磨電弈弈水淬

龍螭愈太一裝以寶列仙篆其文郊可用懾百神

豈唯壯三軍愈有時幽匣吟忽似深潭聞郊風胡久

已死此劔將誰分愈行當獻天子然後致殊勳郊豈

如豐城下空有斗閒雲愈

遺詩

同竇車韋執中尋劉尊師不遇

此詩得於五竇聯珠集公時任都官外郎同洛陽令竇牟河南令韋執中以訪

韻之元和五年也詩以同尋師為韻人各一首洪氏年譜亦見

秦客何年駐仙源此地深還隨躡鳧騎來訪馭風襟

院閉青霞入松高老鶴尋猶疑隱形坐敢起竊桃心

春雪

今按此詩得於文苑英華其後即以正

集系之疑亦公作也已上並方本所載

者本所無者今悉存之諸本更有遺文

一卷方獨取贈族姪嘲新睡二篇餘並

不錄今並附見于後其可疑者亦但存

片片驅鴻急紛紛逐吹斜到江還作水著樹漸成花
越喜飛排瘴胡愁厚蓋砂兼雲封洞口助月照天涯
暝見迷巢鳥朝逢失轍車呈豐盡相賀寧止力耕家

贈族姪

上或有徐州字

我年十八九壯氣起曾中作書獻雲闕辭家逐秋蓬
歲時易遷次身命多厄窮一名雖云就片祿不足充
今者復何事卑棲寄徐戎蕭條資用盡瀆落門巷空
朝眠未能起遠懷方鬱悰擊門者誰子問言乃吾宗

自云有奇術探妙知天工既往悵何及將來喜還通
期吾語非佞當爲佐時雍

嘲鼾睡

李希聲家有退之遺詩數十篇希聲云皆非也獨嘲鼾二篇似之錄于末

澹師晝睡時聲氣一何猥頑颺吹肥脂坑谷相菟磊

雄哮乍咽絕每發壯益倍有如阿鼻尸長喚忍衆罪

馬牛驚不食百鬼聚相待木枕卜字裂鏡面生疥癩

○疥音肥癩音腫病也鐵佛聞眉石人戰搖腿孰云天地

仁吾欲責真宰尋虱搜耳猛作濤翻海太陽不忍

明飛御皆惰怠乍如彭與鯨呼冤受菹醢又如圈中

虎號瘡兼吼餒雖令伶倫吹苦韻難可改雖令巫咸

招寬爽難復在何山有靈藥療此願與採

澹公坐臥時長睡無不穩吾嘗聞其聲深慮五藏損

黃河弄瀆瀑梗澀連拙鮫南帝初奮槌一竅洩混沌

莊子應帝王篇南海之帝儵北海之帝忽中央之帝
混沌相與甚善儵與忽謀報混沌之德曰人皆有七
竅以視聽食息此獨無有嘗試
鑿之曰鑿一竅七日而混沌死迴然忽長引萬丈不

可忖謂言絕於斯繼出方袞袞幽幽寸喉中草木森

笨尊○笨音本尊音
忖草木叢生也盜賊雖狡獪亡竟敢窺闔鴻蒙

摠合雜詭譎騁戾狠乍如鬪叟叟忽若怨懇懇賦形

苦不同無路尋根本何能堙其源惟有土一畚

書月

玉盃不磨著泥土青天孔出白石補兔入白藏蛙縮
肚桂樹枯株女閉戶陰為陽羞固自古嗟汝下民或
敢侮戲譏盜視汝目瞽

贈張徐州莫辭酒

莫辭酒此會固難同請看工女機上帛半作軍人旗
上紅莫辭酒誰為君王之爪牙春雷三月不作響戰

士豈得來還家

辭唱歌

諸本注云此篇恐非公作今姑存之

抑逼教唱歌不解看豔詞坐中把酒人豈有歡樂姿
幸有伶者婦腰身如柳枝但令送君酒如醉如憨癡
聲自肉中出使人能透隨復遣慳悛者贈金不皺眉
豈有長直夫喉中聲雌雌君心豈無恥君豈是女兒
君教發直言大聲無休時君教哭古恨不肯復吞悲
乍可阻君意豔歌難可爲

知音者誠希

古詩不愁歌者
苦但傷知音希

知音者誠希念子不能別行行天未曉携手踏明月
酬藍田崔丞立之詠雪見寄

京城數尺雪寒氣倍常年泯泯都無地茫茫豈是天
崩奔驚亂射揮霍訝相纏不覺侵堂陛方應折屋椽

出門愁落道上馬恐平韉朝鼓矜凌起山齋酪酏眠
吾方嗟此役君乃詠其妍水玉清顏隔波濤盛句傳
朝飧思共飯夜宿憶同氈舉目無非白雄文乃獨玄

潭州泊船呈諸公

夜寒眠半覺鼓笛鬧嘈嘈聞浪春樓堞驚風破竹篙
主人看使範客子讀離騷聞道松醪賤何須恡錯刀
欽城南道邊古墓上逢中丞過贈禮部衛員

外少室張道士

中丞謂
裴度也

偶上城南土骨堆共傾春酒三五盃爲逢桃樹相料
理○料
音聊不覺中丞喝道來

池上絮

池上無風有落暉楊花晴後自飛飛爲將纖質凌清
鏡濕却無窮不得歸

記

監軍新竹亭記

按此文恐非公作今刪去

書

答侯生問論語書

公作論語傳未成而歿見於張籍祭詩辯於洪慶善

之說者甚明今世所傳如宰子晝寢以晝作晝子在齊聞韶三月不知肉味以

三月作音浴乎沂以浴作泓子在回何敢死以死作先雖甚鄙淺然為伊川之

學者皆取之

愈白侯生足下所示論語問甚善聖人踐形之說孟子詳於其書當終始究之若萬物皆備於我反身而誠是也苟有偽焉則萬物不備矣踐形之道無他誠是也足下謂賢者不能踐形非也賢者非不能踐形能而不備耳形言其備也所謂具體而微是也充實之謂美充實而有光輝之謂大充實則具體未大則

微故或去聖一閒或得其一體皆踐形而未備者唯反身而誠則能踐形之備者耳愈昔注解其書而不敢過求其意取聖人之旨而合之則足以信後生輩耳此說甚爲穩當切更思之愈白

墓誌

相州刺史御史中丞田公故夫人魏氏墓誌

銘

下或有注并序字○今按此篇不類公
它文且云元和八年則又非少作其非
今刪去無疑

啓

皇帝卽位賀宰相啓

愈啓伏見冊命皇帝以閏月三日嗣臨大位以主神人含生之類孰不蒙賴相公翼亮聖明大慶資始伏惟永永與國同休愈下情不勝慶躍限以所守不獲

隨例拜賀謹差某奉啓不宣謹啓

狀

奏汴州得嘉禾嘉瓜狀

方本有之以附嘲
睡之後云此篇見文

苑英華蓋爲董晉作
董晉行狀亦可攷

右謹按符瑞圖王者德至於地則嘉禾生伏惟皇帝
陛下道合天地恩霑動植邇無不協遠無不賓神人
以和風雨咸若前件嘉禾等或兩根並植一穗連房
或延蔓敷榮異實共蒂旣叶和同之慶又標豐稔之
祥感自皇恩微莖何極於造化親逢嘉瑞小臣喜遇
於休明無任

皇帝卽位賀諸道狀

伏見勅命皇帝以閏正月三日嗣臨寶位海內惟新
凡在臣庶不勝慶幸惟俯同下情未由拜賀但增馳

戀謹奉狀不宣某再拜或無此三字

皇帝即位降赦賀觀察使狀

二月五日恩赦今月二十四日卯時到州當時集百官僧道百姓宣示訖聖上以繼明之初垂惟新之澤曲成不遺於萬物大賚遂延於四海寰宇斯泰品類皆蘇渥恩普霑遠近同慶蘇渥或乙此二字非是愈以藩條有制拜賀無由不勝欣抃之至謹差萍鄉縣丞李某奉

狀陳賀某或作於

潮州謝孔大夫狀

此篇見洪氏年譜方氏增考云公既南行家亦譴逐

二月二日巳過商州之南而此狀言七月二日巳過商州之南而此狀言七月

何故猶未至潮又姪孫湘亦從公而南故宿會江口有示湘詩而過始興江口

詩謂目前百口還相逐與狀言妻子孫姪未到者皆不相應此狀恐妄也○今

按公之到郡既不見年之實則此狀無由可考方氏引會江始興二詩以證

此狀之妄蓋亦有理但恐或是已過始與留家在後而獨先到郡亦不可知但必其狀詞頗類袁州申使狀則又未有以見其妄故今且存之亦闕疑之意也

伏奉七月二十七日牒以愈貶授刺史特加優禮以州小俸薄慮有闕乏每月別給錢五十千以送使錢充者開緘捧讀驚榮交至顧己量分慚懼益深欲致辭爲讓則乖伏屬之禮承命苟貪又非循省之道進退反側無以自寧其妻子男女并孤遺孫姪奴婢等尙未到官窮州使賓罕至身衣口食絹米足充過此以往實無所用積之於室非廉者所爲受之於官名且不正恃蒙眷待輒此披陳

疏

憲宗崩慰諸道疏

愈言上天降禍大行皇帝奄棄萬國伏惟攀慕永痛